

水經注卷九

漢 桑 欽撰

後魏酈道元注

清水冀州入河

沁水并州入河

淇水冀州入河

蕩水冀州入河

洹水并州入河

清水出河內修武縣之北黑山

黑山在縣地

宋本地作北一作境

白鹿山東清水所出也上

承諸陂散泉積以成川南流西南屈

御覽引此作南流屈曲

瀑布乘巖懸河注壑二十餘丈雷扑之聲震動山

水經注

卷九

清水

谷左右

疑脫一石字

壁層深獸跡不交隍中散水霧合

視不見底南峰北嶺多結禪栖之士東巖西谷又

是刹靈之圖竹栢之懷與神心妙達仁智之性其

山水効深更爲勝處也其水歷澗流飛清洞觀

御覽

引此竹清冷洞觀

謂之清水矣谿曰瑤谿又曰瑤澗水又

南與小瑤水合水近出西谿北窮谿東南流注之

清水清水又東南流吳澤陂水注之水承吳陂

於修武縣故城西北修武故甯也亦曰朝陽矣馬

季長曰晉地自朝歌以北至中山爲東陽朝歌以

朱云乘巖節

漢書乘城意

淮南子乘襄

而流是也豫

章本改作垂

巖俗子擅易

古文良可憎

惡

又云山水間

豈容着俗人

語此可知



宋六師古謂
瓚自謂甄明
非無差爽如
此等駁殊精
確而善長復
引外傳尤為
深遠令人讀
水經注但取
俗語則失之
矣

南至軹為南陽故應劭地理風俗記云河內殷國也周名之為南陽又曰晉始啟南陽今南陽城是也秦始皇改曰修武徐廣王隱並言始皇改瓚注漢書云案韓非書秦昭王越長平西伐修武時秦未兼天下修武之名久矣余案韓詩外傳言武王伐紂勒兵於甯更名甯曰修武矣魏獻子田大陸還卒於甯是也漢高帝八年封都尉魏邀為侯國亦曰大修武有小故稱大小修武在東漢祖與滕公濟自玉門津而宿小修武者也大陸即吳澤矣

水經注

卷九

二

魏土地記曰修武城西北二十里有吳溝水陂南北二十許里東則三十里西則蔡溝入焉水有二源北水上承河內野王縣東北界溝為長明溝分枝津東逕雍城南寒泉水注之水出雍城西北泉流南注逕雍城西春秋僖公二十四年王將以狄伐鄭富辰諫曰雍文之昭也京相璠曰今河內出山陽西有故雍城又東南注長明溝溝水又東逕射犬城北漢大司馬張陽為將楊醜所害醜固殺醜屯此魏志作張揚駐圖欲北合袁紹典略曰醜固字白

食犬
不知不
是勝識歸而
飲解耶

譚云真憐才

唯字似傳寫誤

譚云以州名
野亦與

按左傳乃以蘇忿生
之曰與鄭蘇公武王
之司寇不得復言與

菟或戒固曰將軍字菟而此邑名犬菟見犬其勢必驚宜急去菟不從漢興平四年魏太祖斬之於

此以魏种為河内太守守之兗州叛太祖曰唯种

不棄孤及走太祖怒曰种不南走越北走胡不置

汝也一作不汝置也射犬平禽之公曰難其才也釋而用

之難魏志作唯故長明溝水東入石澗東流蔡溝水入

焉水上承州縣北漢志河内郡有州縣白馬溝東分為之蔡

溝東會長明溝水又東逕修武縣之具亭宋本作吳亭

北東入吳陂又次北有苟泉水入焉水出山陽縣

水經注

卷九

三

故修武城西南同源分派裂為二水南為苟泉北

則吳瀆二瀆雙導俱東入陂山陽縣東北二十五

里有陸真阜南有皇母馬鳴二泉東南合注于吳

陂也次陸真阜之東北得覆釜堆堆南有三泉相

去四五里參差合次南注于陂泉在濁鹿城西建

安二十五年魏封漢獻帝為山陽公濁鹿城即是

公所居也陂水之北陂澤側有隤地疑作城也春秋

隱公十一年王以攢茅隤十二邑與司寇蘇忿生

者也京相璠曰河内修武縣北有故隤城實中人

譚云兩際阪
或皆言際于
阪也

朱云貞姜合
符妙

疑有脫文

世俗謂之皮塏

宋本作垣

方四百步實中高八丈際阪

北隔水一十五里俗所謂蘭丘也方二百步西一

十里又有一丘際阪

坡舊本作三宋本作山或疑作之

世謂之勅

丘方五百步形狀相類疑卽古攢茅也杜預曰二

邑在修武縣北所未詳也又東長泉水注之源出

白鹿山東南伏流逕一十三里重源濟發於鄧城

西北東南伏流世亦謂之重泉水也又逕七賢祠

東左右筠篁列植冬夏不變貞姜魏步兵校尉陳

留阮籍中散大夫譙國嵇康晉司徒河內山濤司

水經注

卷九

四

徒琅邪王戎黃門郎河內向秀建威叅軍沛國劉

伶始平太守阮咸等同居山陽結自得之遊時人

號之爲竹林七賢也向子期所謂山陽舊居也後

人立廟於其處廟南又有一泉東南流注于長泉

水郭緣生述征記所云白鹿山東南二十五里有

嵇公故居以居時有遺竹焉蓋謂此也其水又南

逕鄧城東名之爲鄧瀆又謂之爲白屋水也昔司

馬懿征公孫淵還達白屋卽於此也其水又東南

流逕隕城北又東南歷澤注于陂泉水東流謂之

譚平得即
如下次東得
等不必有行
字且下文又
有上平下平
此平乃中也
故復言且上

八光溝而東流注于清水謂之長清河而東周永
豐城有丁公泉發于焦泉之右次東又得焦泉泉
發于天門之左天井固石天門山石自空狀若門
焉廣三丈高兩匹深丈餘更無細所出世謂之天門
也東五百餘步中有石穴西向裁得容人平得二
疑誤孫云東南入徑至天井直上三匹有餘板躡
或作平行一作而昇至上東平一作西二百步南北七百步四面
嶮絕無由昇陟矣上有比丘釋僧訓精舍寺十有
餘僧給養難周多出下平有志者居之寺左右雜

水經注

卷九

樹疎一○字○森然挺有一石泉方丈餘清水湛然常無增減山

居者資以給飲北有石室二間古本作二戶舊是

隱者念一之所今無人矣泉發於北阜南流成溪

世謂焦泉也次東得魚鮑泉次東得張波泉次東

得三淵泉梗柯參連女宿相屬古本作梗河參連

柯埜按隋天文志梗河三星在大角北李云女宿

即須女四星此蓋謂魚鮑張波三淵之三泉如梗

河之參連并焦泉為是四川在重門城西並單川

南注也重門城昔齊王芳為司馬師廢之宮於此
即魏志所謂送齊王于河內重門者也城在其縣

故城西北二十里城南有安陽陂次東又得卓水

陂穴東有北門陂陂方五百步在共縣故城西漢

高帝八年封旅罷師為共嚴侯國埤按史記年表云八年封盧罷

師為共侯謚曰莊此旅字當作茲即盧字古通用嚴避明帝諱即共和之故國也

共伯既歸帝政逍遙于共山之上山在國北所謂

共北山也莊子云共伯得乎共首司馬彪注云厲王之難共伯即于王位十四年大旱屋

焚召公卜之曰厲王為崇乃立宣王仙者孫登之

共伯復歸于宗逍遙得意共山之首所處袁彥伯竹林七賢傳嵇叔夜嘗採藥山澤遇

之於山冬以被髮自覆夏則編草為裳彈一絃琴

水經注

卷九

而五聲和其水三川南合謂之清川又南逕凡城

東司馬彪袁崧郡國志曰共縣有汎亭周凡伯國

春秋隱公七年經書王使凡伯來聘是也杜預曰

汲郡共縣東南有凡城今在西南其水又西南與

前四水總為一瀆又謂之陶水南流注于清水清

水又東周新豐塢又東注也

東北過獲嘉縣北

漢書稱越相呂嘉反武帝元鼎六年巡行於汲郡

中鄉得呂嘉首因以為獲嘉縣後漢封侍中馮石

此縣北亦可
作武縣之意
人嘉名適合
夏商

朱云傳說曰
備隱太公曰
避釣名以二
三寫其為人
此善長傳碑
可也

為侯國縣故城西有漢桂陽太守趙越墓冢北有
碑越字彥善縣人也累遷桂陽郡五官將尚書僕
射遭憂服闋守河南尹建寧中卒碑東又有一碑
碑北有石柱石牛羊虎俱碎淪毀莫記清水又東
周新樂城城在獲嘉縣故城東北即汲水新中鄉
也汲水當
作汲郡
又東過汲縣北

縣故汲郡治晉太康中立城西北有石夾水飛湍
濬急也人亦謂之礮溪言太公常釣於此也城東

水經注

卷九

七

門北側有太公廟廟前有碑碑云太公望君宋本
作者

河內汲人也縣民故會稽太守杜宣白令崔瑗曰

太公甫生於汲舊居猶存君與高國同宗太公載

在經傳今臨此國宜正其位以明尊祖之義於是

國老王喜廷掾鄭篤功曹邵舊本
作邵勤等咸曰宜之

遂立壇祀為之位王城北三十里有太公泉泉上

又有太公廟廟側高林秀木翹楚競茂相傳云太

公之故居也晉太康中范陽盧無忌為汲令立碑

於其上太公避紂之亂居隱市朝避釣魚水何必

渭濱。然後磻溪。苟愜神心。曲渚則可。磻溪之名。斯無嫌矣。清水又東。逕故石梁下。梁跨水上。橋石崩。褫餘基尚存。清水又東。與倉水合。水出西北方。上山西倉谷。谷有倉玉珉石。故名焉。其水東南流。潛行地下。又東南復出。俗謂之雹水。東南歷毋野。一作牧野。自朝歌以南。南暨清水。土地平行。據臯跨澤。悉毋野矣。郡國志曰。朝歌縣南有牧野。竹書紀年曰。周武王率西夷諸侯伐殷。敗之于毋野。詩所謂毋野洋洋。檀車煌煌者也。有殷大夫比干冢。前有石

水經注

卷九

銘。題隸云。殷大夫比干之墓。所記唯此。今已中折。不知誰所誌也。太和中。高祖孝文皇帝南巡。親幸其墳。而加弔焉。刊石樹碑。列于墓隧矣。雹水又東南入于清水。又東南逕合城南。故三會亭也。以淇清合河。故受名焉。清水又屈而南。逕屬皇臺東北。南注之也。又東入于河。

謂之清河。即淇河口也。蓋互受其名耳。地理志曰。清河水出內黃縣南。無清水可來。所有者唯鍾是。

水耳蓋河徙南注清水瀆移唯流逕絕餘日故東川有清河之稱相嗣不斷目尚存故東川曹公開白溝遏水北注方復故瀆矣

沁水出上黨涅縣謁戾山

丑當作涅宋本作洹後漢郡國志上黨郡涅縣注引

山海經云謁戾之山沁水出焉南流注于河郭云在涅

沁水即洎水也或言出穀遠縣羊頭山世靡谷三源奇注逕瀉一隍又南會三水歷洛出左右近溪參差翼注之也

南過穀遠縣東又南過猗氏縣東

水經注

卷九

沁水

九

穀遠縣王莽之穀近也沁水又南逕猗氏縣故城東劉聰以詹事魯繇為冀州治此也沁水又南歷

猗氏關又南與羸羸水合水出東北巨峻山

峻御覽作

駿乘高瀉浪觸石流響世人因聲以納稱西南流

注于沁沁水又南與秦川水合水出巨峻山東帶

引衆溪積以成川又西南逕端氏縣故城東昔韓

趙魏分晉遷晉君於端氏縣即此是也其水南流

入于沁水

又南過陽阿縣東

海云巖有彪
乘二音馬走
也作巨駿為
是

沁水南逕陽阿縣故城西魏土地記曰建興郡治陽阿縣郡西四十里有沁水南流沁水又南與濩澤水合水出澤城西白澗嶺下東逕濩澤墨子曰舜漁濩澤應劭曰澤在縣西北又東逕濩澤縣故城南蓋以澤氏縣也竹書紀年梁惠成王十九年晉取玄武濩澤者也其水際城東注又東合清澗水水出其城北東南經澤城東又南入于澤水澤水又東得陽泉水口出鹿臺山山上有水澗而不流其水東逕陽陵城南卽陽阿縣之故城也漢高

水經注

卷九

帝七年封下訴為侯國

埤按謝本作下訴考之史記漢表並無其人唯琴操

二云卞和獻玉于楚王封為陵陽侯辭不受退而作歌

水歷焦

宋本作焦

燒山東下

與黑嶺水合水出西北黑嶺下卽開蹬也其水東

南流逕北卿亭下又東南逕陽陵城東南逕陽泉

水陽泉水又南注濩澤水又東南又有上澗水注

之水導源西北輔山東逕銅于崖南歷析城山北

山在濩澤南禹貢所謂砥柱析城至于王屋也山

甚高峻上平坦下有二泉東濁西清左右不生草

木數十步外多細竹其水自山陰東入濩澤水濩

譚云陽陵與陵陽不同楚

亦兼得爭野

譚云敘及對錯落有致

澤水又東南注于沁水沁水又東南陽阿水左入焉水北出陽阿川南流逕建興郡而其水又東南流逕午壁亭東而南入山沿波漱石淵澗八丈環濤轂轉西南流入于沁水又南五十餘里沿上下步逕裁通小竹細筍被于山渚蒙籠拔密奇為翳

舊也。宋本拔作茂。奇作最。

又南出山過沁水縣北

沁水南逕石門也謂之沁口魏土地記曰河內郡野王縣西七十里有沁水左逕

舊本作逕在

沁水城西

水經注

卷九

十一

下云檢行二字精核

附城東南流也石門是晉安平獻王司馬孚之為魏野王典農中郎將之所造也案其表云臣孚言臣被明詔與河內水利臣既到檢行沁水源出銅堤山屈曲周迴水道九百御覽引此作九百里自太行以西王屋以東層巖高峻天時霖雨穿谷走水小石漂送宋本作小石木門朽敗稻田汎濫歲功不成臣輒按行去堰五里以外方石可得數萬餘枚臣以為方

石為門若天亢旱增堰進水若天霖雨陂澤充溢則閉石斷水御覽引此注作閉防斷水空渠衍澇足以成河雲

通云古人敘事之文如水田鹽注

雨由人經國之謀奇評暫勞永逸聖王所許願陛下特

出臣表勅大司農府給人工勿使稽延以贊時要

臣孚言詔書聽許於是夾岸累石結以為門用伐

木門御覽引此注枋故石門舊有枋口之稱矣漑

田頃畝之數間二玉海引此亦作間二似疊一字當作間關歲月之功

事見門側石銘矣水西有孔山山上石穴洞開穴

內石上有車轍牛跡耆舊傳云自然成者非人功

所就也其水南分為二水一水南出為朱溝水沁

水又逕沁縣故城北蓋藉水以名縣矣春秋之少

水經注

卷九

水也京相璠曰晉地矣又云少水今沁水也沁水

又東逕沁水亭北世謂之小沁城沁水東右合小

沁水水出北山臺淳淵南流為臺淳水南東入沁

水沁水又東倍澗水注之水北出五行之山南流

注于沁水

又東過野王縣北

沁水又東邗水注之出太行之阜山宋本五行

之異名也淮南子曰武王欲築宮於五行之山周

公曰五行嶮固德能覆也內貢迴矣使吾暴亂則

謂云凡邦字

皆當作邦音

于鄭地邦音

漢楚地也

伐我難矣君子以為能持滿高誘云今太行山也
在河內野王縣西北上黨關也詩所謂徒矧野王

道傾蓋上黨關即此山矣其水南流逕邗城西故

邗關

宋本作邗國

也城南有邗臺春秋僖公二十四年

王將伐鄭富辰諫曰邗武之穆也京相璠曰今野

王西北三十里有故邗城邗臺是也今故城當太

行南路道出其中漢武帝封李壽為侯國邗水又

東南逕孔子廟東廟庭有碑魏太和元年孔靈度

等以舊宇毀落上求修復野王令范眾愛河中

宋本

水經注

卷九

十三

作河內

太守元真刺史咸陽公高允表聞立碑於廟

治中劉明駕

宋本作別駕

呂次父主簿向班虎荀靈龜

以宣尼大聖非碑頌所稱宜立記焉云仲尼傷道

不行欲北從趙鞅聞殺鳴犢遂旋車而反及其後

也晉人思之於太行嶺南為之立廟蓋往時迴轅

處也余按諸子書及史籍之文並言仲尼臨河而

歎曰丘之不濟命也夫是非太行迴轅之言也碑

云魯國孔氏官於洛陽因居廟下以奉蒸嘗斯言

至矣蓋孔因遷山下追思聖祖故立廟存饗耳其

譚云靈度固

是嘉名衆愛

亦非原目班

是靈龜又何

靈龜之巧

猶劉累遷魯立堯祠於山矣。非謂迴轅於此也。邾

水東南逕邾亭。西京相璠曰：又有亭在橋。一作臺

南三十里。今是亭在邾城東南七八里。蓋京氏之

所謬耳。或更有之余所不詳。其水又南流注于沁。

沁水東逕野王縣故城北。秦昭王四十四年白起

攻太行道絕而韓之野王降。始皇拔魏東地置東

郡。衛元君自漢當作濮陽徙野王。卽此縣也。漢高帝

元年爲殷國。二年爲河內王莽之後。隊縣曰平野

矣。魏懷州刺史治皇都。遷治省州。復郡水北有華

水經注 卷九 十四

嶽廟。廟側有攢栢數百根。對郭臨川。負岡蔭渚。青

青彌望。奇可翫也。懷州刺史頓丘李洪之所經

構也。廟有碑焉。是河內郡功曹山陽荀靈龜以和

平四年造。天安元年立。沁水又東朱溝枝津入焉。

又東與丹水合。水出上黨高都縣故城東北阜下。

俗謂之源源水。山海經曰：沁水之東有林焉。名曰

丹林。丹水出焉。卽斯水矣。丹水自源東北流。又屈

而東注。左會絕水。地理志曰：高都縣有莞谷。丹水

所出。東南入絕水。是也。絕水出泫氏縣西北陽谷。

詩云：關行間
或在林際使
八日洋心遠

故地理志曰楊谷絕水所出東南流左會舊本無會字

長平水水出長平縣西北小山東南流逕其縣故

城泫氏之長平亭也史記曰秦使左庶長王齮攻

韓取上黨上黨民走趙趙軍長平使廉頗為將後

遣馬服君舊本無君字有之字吳本以之字改作君字子趙括代之秦

密使武安君白起攻之括四十萬眾降起起坑之

於此上黨記曰長平城在郡之南秦壘在城西二

軍共食流水澗相去五里秦坑趙眾收頭顱築臺

於壘中因山為臺崔嵬桀起今仍號曰白起臺城

水經注 卷九 十五

之左右泂山亘隰南北五十許里東西二十餘里

悉秦趙故壘遺壁舊疑作猶存焉漢武帝元朔二年

以封將軍衛青為侯其東南流注絕水絕水又東

南流逕泫氏縣故城北竹書紀年曰晉烈公元年

趙獻子城泫氏絕水東南與泫水會水導源縣西

北玄谷東流逕一故城南俗謂之都鄉城又東南

逕泫氏故城南世祖建武六年封萬普為侯國而

東會絕水亂流東南入高都縣右入丹水上黨記

曰長平城在郡南山中丹水出長平北山南流秦

坑趙衆流血丹川由是俗名爲丹水斯爲不經矣

丹水又東南流注于丹谷卽劉越石扶風歌所謂

丹水者也晉書地道記曰縣有太行關丹溪爲關

之東谷途自此去不復由關矣丹水又逕二石入

北而各在一山角倚相望南爲河內北曰上黨二

郡以之分境丹水又東南歷西巖下巖下有泉

湧發洪流巨輪宋本作洪流巨輪壅疑當作洪流巨輪淵深不測蘋

藻冬冬字疑誤芹竟川含綠雖嚴辰肅月燕麥暄萋丹

水又南白水注之水出高都縣故城西所謂長平

水經注

卷九

白水也東南流歷天井關地理志曰高都縣有天

井關蔡邕曰太行山上有天井關在井北遂因名

焉故劉歆遂初賦曰馳太行之嶮峻入天井之高

關太元十五年晉征虜將軍朱序破慕容永於太

行遣軍至白水去長子一百六十里白水又東天

井溪水會焉水出天井關北流注白水世謂之北

流泉白水又東南流入丹水謂之白水交丹水又

東南出山逕郟城西城在山際俗謂之期城非也

司馬彪郟國志曰山陽有郟城京相璠曰河內山

譚云冬節門

冬節也

據云暄萋二

字合來妙

六上注曰

此日眩

愈變愈微

心眼靈妙

陽西北六十里有鄆城竹書紀年曰梁惠成王元年趙成侯偃韓懿侯若伐我葵卽此城也丹水又南屈而西轉光溝水出焉丹水又西逕苑鄉城北南屈東轉逕其城南東南流注于沁謂之丹口竹書紀年曰晉出公五年丹水三日絕不流幽公九年丹水出相反擊卽此水也沁水又東光溝水注之也水首受丹水東南流界溝水出焉又南入沁水又東南流逕成鄉城北又東逕中都亭南又合界溝水水上承光溝東南流長明溝水出焉又南水經注

八卷九

逕中都亭西而南流注于沁水也

又東過周縣北

縣故周也春秋左傳隱公十有一年周以賜鄭公孫段六國時韓宣子徙居之有白馬溝水注之水首受白馬湖湖一名朱管陂陂上承長明溝湖水東南流逕金亭西分爲二水一水東出爲蔡溝一水南流于沁也

又東過邢丘

山懷縣之北

韓詩外傳曰武王伐紂到邢丘更名邢丘曰懷今

韓宣子亦詳按昭
三年鄭伯如齊
孫段相晉侯賜以
田韓宣子為之請
七年公孫段之子也
施自子產如晉歸
州田晉侯以之
子宣子以日原縣
子與大心事上云
德公五年其遠
韓懿文下不逮六
國時且亦嘗據居
之州縣社稷注云

今屬河內郡
其即周縣否也

韓詩作
懷寤

春秋時赤翟伐晉圍懷是也王莽以為河
內故河內郡治也舊三河之地矣韋昭曰河南河
東河內為三河也縣北有沁陽城沁水逕其南而
東注也

又東過武德縣南又東南至滎陽縣北東入于河
沁水於縣南水積為陂通結數湖有朱溝水注之
其水上承沁水於沁水縣西北自方口東南流奉
溝水右出焉又東南流右泄為沙溝水也其水又
東南於野土城西枝渠左水焉以周城漑東逕野

水經注

入卷九

十八

王城南又屈逕其城東而北注沁水朱溝自枝渠
東南逕州城南又東逕懷城南又東逕殷城北郭
緣生述征記曰河之北岸河內懷縣有殷城或謂
楚漢之際殷王邲治之非也余按竹書紀年云秦
師伐鄭次于懷城殷殷卽是城也然殷之為名久
矣知非從邲始昔劉聰以郭默為殷州刺史都督
緣河諸軍事治此朱溝又東南注于湖湖水又右
納沙溝水水分朱溝南派東南逕安昌城西漢成
帝河平四年封之相張禹為侯國今城之東南有

古冢時人謂之張禹墓余按漢書禹河內軹人徙家蓮芍鴻嘉元年禹以老乞骸自治冢塋起祠堂於平陵平之肥牛亭近延陵奏請之詔為徙亭哀帝建平二年薨遂葬於彼此則非也沙溝又東逕隰城北春秋僖公二十五年取大叔於溫殺之於隰城是也京相璠曰在懷縣西南又逕殷城西東南流入於陂陂水又值東南流入於河先儒亦咸謂是溝為沛渠故班固及關駟並言沛水至武德入河蓋沛水枝瀆條分所在布稱亦兼丹水之目

水經注

卷九

矣

淇水出河內隆慮縣西大號山

山海經曰淇水出沮如山水出山側頽波瀨注衝激橫山山上合下開可減六七十步巨石礫砢交積隍澗傾瀾濟御覽引此作頽瀾奔澗勢同雷轉激水散氛暖若霧合又東北活水注之水出壺關縣東玷臺下石壁崇高昂藏隱天泉流發于西北隅與金谷水合金谷即玷臺之西溪也東北會水又東流注淇水又逕南羅川又歷之羅城北東北與女臺

朱云活水當作活水應劭曰活水出壺關漢書注活水東至朝歌八淇是也

水會合水發西北三女臺下東北流注于淇淇水
又東北逕淇陽川逕石城西北城在原上帶澗
淇淇水又東北西流水注之水出東大嶺下西流
逕石樓南在北陵石上練垂桀立亭亭極峻其水
西流水也又東逕馮都壘南世謂之淇陽城在西
北三十里淇水又東出山分爲二水會立石堰遇
水以沃白溝左爲宛舊本作苑水右則淇水自元甫城
東南逕朝歌縣北竹書紀年晉定公二十八年淇
絕于舊衛卽此也淇水又東屈而西轉逕頓丘北

水經注

卷九

淇水

二十

故闕駟云頓丘在淇水南又屈逕頓丘西爾雅曰
山一成謂之頓丘釋名謂一頓而成丘無高下小
大之殺也詩所謂送子涉淇至于頓丘者也魏徙
九原西河出軍諸胡置五軍於丘側故其名亦曰
五軍也太和泉源水此下自水有二源至更相通注河清止九百一十五字吳
本誤入于十三卷濕水注中今移接于此水有二源一水出朝歌城西
北東南老人晨將渡水而沈吟難濟紂問其故左
右曰老者髓不實故暑寒也謝云宋本作晨寒紂
乃於此斲脛而視髓也其水南流東屈逕朝歌城

譚云晨寒於
本文合固佳
然安知非暑
將平暑寒卽

凡而意對進
若作畏寒文
心列矣

譚云據此朝
當作招音不
當作潮讀矣
朝歌晨涉更
粘聯

南音書地道記曰本沫邑也詩云爰采唐矣沫之
鄉矣殷王武丁始遷居之為殷都也禹貢紂都在
冀州大陸之野即此矣有糟丘酒池之事焉有新
聲靡樂號邑朝歌晉灼曰史記樂書紂為朝歌之
音朝歌者歌不時也故墨子聞之惡而迴車不逕
其邑論撰考識曰邑名朝歌顏淵不舍七十弟子
掩目宰子獨顧由歷墮車宋均曰子路患宰子顧
視凶地故以是歷之使墮車也今城內有殷鹿臺
紂昔自投於火處也竹書紀年曰武王親禽帝受

水經注

卷九

二十一

卒當作辛舊本無此字埤按書秦誓稱商王受則呼其名也史記名辛是為帝辛天下謂之紂竹書亦名受而沈約注一曰受辛呂氏春秋云紂名受德孟子墨子尸子皆稱紂謚法殘義損善曰紂蓋死後人謚之也于南單之臺遂分天之明南單之臺蓋

鹿臺之異名也武王以殷之遺民封紂子武庚於
茲邑分其地為三曰邶鄘衛使管叔蔡叔霍叔輔
之為三監叛周討平以封康叔為衛箕子佯狂自
悲故琴操有箕子操逕其墟父母之邦也不勝悲
作麥秀歌地居河淇之間戰國時皆屬於趙男女
淫縱有紂之遺風後乃屬晉山嶮山宋本作土多寇漢

疑有脫誤

以虞詡為令朋友以難治致弔詡曰不過盤根錯

節何以別利器乎又東與左水合謂之馬溝水水

出朝歌城北東流南屈至其城東又東流與美溝

合水出朝歌西北大嶺下更出逕駱駝谷於中透

迤九十曲故俗有美溝之目矣歷十二嶠嶠流相

承泉響不斷返水捍注倦後二字深隍隍間積石

下通水穴為變古本作積石千通觀者若思不周

賞情之疑作圖狀矣其水更逕朝歌城北又東南

流注馬溝水又東南注淇水為肥泉也故衛詩曰

水經注

卷九

我思肥泉茲之永嘆毛注云同出異歸為肥泉爾

雅曰歸異出同曰肥釋名曰本同出時所浸潤少

所歸各枝散而多似肥者也犍為舍人曰水異出

流行合同曰肥今是水異出同歸矣博物志謂之

澳水詩云瞻彼淇澳棗竹猗猗毛云棗王芻也竹

籊竹也毛傳作篇竹爾雅作篇蓄漢武帝塞決河斬淇園之竹

木以為用寇恂為河內伐竹淇川治矢百餘萬以

溢軍資漢書寇恂傳作以給軍士後今通望淇川

無復此物唯王芻籊草不異毛注又言澳隈也鄭

諱云倦或是掩字

諱云古宋文是現成對仗

語改正文是水石相遭語

諱云溢字克滿意更有加

亦不以爲津源而張司空專以爲水流入於淇非所究也然斯水卽詩所謂源泉之水也故衛詩云泉源在左淇水在右衛女思歸指以爲喻淇水左右蓋舉水所入爲左右也淇水又南歷枋堰舊淇水南東流逕黎陽縣界南入河地理志曰淇水出共東至黎陽入河溝洫志曰在遮害亭西一十八里至淇水口是漢建安九年魏武王於水口下大枋木以成堰過淇水東入白溝以通漕運故時人號其處爲枋頭是以盧諶征艱賦曰後背洪枋巨

水經注

卷九

二十三

堰深渠高隄者也自後遂廢魏熙平中復通之故渠歷楊城北東出今瀆破故堰其堰悉鐵柱木石參用其故瀆南逕枋城西又南分爲二水一水南注清水水流上下更相通注河清水盛北入故渠自此始矣一水東流逕枋城南東與宛口合宛水上承淇水於元甫城西北自石堰東注宛城西屈逕其城南又東南流歷五軍東北得舊石沮故五水分流世號五穴宋本今惟通井作井爲二一水西注淇水謂之天井溝一水逕五軍東分爲蓼溝東

入白祠陂

宋本作白祀
舊本作自祀

又南分東入同山陂溉田

七十餘頃疑作千二陂所結卽臺陰野矣宛水東南入淇

水淇水右合宿胥故瀆瀆受河於頓丘縣遮害亭

東黎山西北會淇水處立石堰遏水今更東北注

魏武開白溝因宿胥故瀆而加其功也故蘇代曰

決宿胥之口魏無虛頓丘卽指是瀆也淇水又東

北流謂之白溝逕雍榆城南春秋襄公二十三年

叔孫豹救晉次于雍榆城者也淇水逕其城東東

北逕同山東又北逕其城東東北逕帝嚳冢西世

水經注

卷九

三十四

謂之頓丘臺非也皇覽曰帝嚳冢在東郡濮陽頓

丘城南臺陰野中者也又北逕白祠山東歷廣陽

里逕顓頊冢西俗謂之殷王陵非也帝王世紀曰

顓頊葬東郡頓丘城南廣陽里大冢者是也淇水

又北逕頓丘縣故城西古文尚書以爲觀地矣蓋

太康弟五君之號曰五觀者也竹書紀年晉定公

三十一年城頓丘皇覽曰頓丘者城門名頓丘道

世謂之殷皆非也蓋因丘而爲名故曰頓丘矣淇

水東北逕任人山東

任當作任隋圖經曰任人山
谷名山陽三山或云紂殺比

于於此山因得名古凡伯國地也隋書
地志云汲郡黎陽有大伾山枉人山 牽城西春

秋左傳定公十三年

春秋作十四年

公會齊侯衛侯于牽

者也杜預曰黎陽東北有牽城卽此城矣淇水又
東北逕石柱岡東北注矣

又東過內黃縣南爲白溝

淇水又東北逕并陽城西世謂之辟陽城非也卽
郡國志所謂內黃縣有并陽聚者也白溝又北左
合陽水又東北流逕內黃縣故城南縣右對黃澤
郡國志曰縣有黃澤者地理風俗記曰陳留有外

水經注

卷九

二十五

黃故加內史記曰趙廉頗伐魏取黃卽此縣

屈從縣東北與洹水合

白溝自縣北逕戲陽城東世謂之義陽郭春秋昭
公十年晉荀盈如齊逆女還卒戲陽是也白溝又
北逕高城亭東又洹水從西南來注之又北逕問
亭東卽魏界也應劭曰縣故城魏武侯之別都也
城內有武侯臺王莽之魏城亭也左與新河合洹
水枝流也白溝又東北逕銅馬城西蓋光武征銅
馬所築也故城得其名矣白溝又東北逕羅勒城

東又東北漳水注之謂之利漕口自下清漳白溝淇河咸得通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏將阿難所導以利衡瀆首有阿難之稱矣白溝又東北逕空陵城西又北逕喬亭城西東去館陶縣故城十五里縣卽春秋所謂冠氏也魏陽平郡治也其水又屈逕其縣北又東北逕平恩縣故城東地理風俗記曰縣故館陶之別鄉也漢宣帝元康

水經注

卷九

二十六

三年置以封后父許伯爲侯國地理志王莽之延平縣矣淇水又東過清淵縣故城西又歷縣之西北爲清淵故縣有清淵之名矣世謂之魚池城非也淇水又東北逕榆陽城北漢昭帝封太常江德爲侯國文類曰邑在魏郡清淵世謂之清淵城非也

又東北過廣宗縣東爲清河

清河東北逕廣宗縣故城南順帝永元五年封皇太子萬年爲王國田融言趙立建興郡於城內置

即廢郡后也表作

譚云漢書御者作御省字形訛似然御即該省者字虛用亦可

臨清縣於水東自趙石始也清河之右有李雲墓雲字行祖甘陵人好學善陰陽舉孝廉遷白馬令中常侍單超等立掖庭民女亳氏為后后家封者四人賞賜巨萬雲上書移列三府曰孔子云帝者諦也今尺一拜用不經御者是帝欲不諦乎帝怒下獄殺之後冀州刺史賈瑤後漢書作賈琮使行部過祠雲墓刻石表之今石柱尚存俗猶謂之李氏石柱清河又東北逕界城亭東水上有大梁謂之界城橋英雄記曰公孫瓚擊青州黃巾賊大破之還屯

水經注

卷九

二十七

廣宗袁本初自往征瓚合戰于界橋南二十里紹將鞠義破瓚於界城橋斬瓚冀州刺史嚴綱又破瓚殿兵於橋上即此梁也世謂之鬲城橋蓋傳呼失實矣清河又東北逕信鄉西地理風俗記曰甘陵西北十七里有信鄉故縣也清河又北逕信成縣故城西應劭曰甘陵西北五十里有信成亭故縣也趙置水東縣於此城故亦曰水東城清河又東北逕清陽縣故城西漢高祖置清河郡治此中元二年景帝封皇子乘為王國王莽之河平也漢

鍾云罵得痛
快是一首簡

練彈文

宋六文章犯罵

意便不佳此

正不諱其為罵

鍾云鬼言不

經然造化間

出此可喚醒

千古貪愚

光武建武二年西河鮮于異為清河太守作公廨
未就而亡後守趙高計功用二百萬五官黃秉功

曹劉適言四百萬錢於是與乃鬼見白日道從入

府與高及秉等對共計校定為適秉所割匿與乃

書表自理其略言高貴不尚節畝壟之夫而箕踞

遺類研密失機婢妾其性媚世求顯偷竊銀艾鄙

辱天官易譏負乘誠高之謂臣不勝鬼言謹因千

里驛聞付高上之便西北去三十里車馬皆滅不

復見秉等皆伏地物故高以狀聞詔下還與西河

水經注

卷九

二十八

田宅妻子焉兼為差代以旌幽中之訟漢桓帝延

和元年改清河為甘陵王國以王妖言徙其年立

甘陵郡治此焉

又東北過東武城縣西

清河又東北逕陵鄉西應劭曰東武城西南七十

里有陵鄉故縣也後漢封太僕梁松為侯國故世

謂之梁侯城遂立侯城縣治也清河又東北逕東

武城故縣城西史記趙公子勝號平原君以解邯

鄲之功受封於此定襄有武城故加東矣清河又

東北逕復陽縣故城西漢高祖七年封右司馬陳
胥爲侯國王莽更名之曰樂歲地理風俗記曰東
武城西北三十里有復陽亭故縣也世名之曰檻
城非也清河水又東北流逕棗彊縣故城西史記
建元以來王子侯者年表云漢武帝元朔二年封
廣川惠王子晏爲侯國也應劭地理風俗記曰東
武城西北五十里有棗彊城故縣也
又北過廣川縣東

清水北逕廣川縣故城南關駟曰縣有長河爲流

水經注

卷九

二十九

故曰廣川也水側有羌壘姚氏之故居也今廣川
縣治清河又東北逕歷縣故城南地理志信都之
屬縣也王莽更名曰歷寧也應劭曰廣川縣西北
三十里有歷城亭故縣也今亭在縣東如當作此
水濟尚謂之爲歷口渡也

又東過修縣南又東北過東光縣西

清河又東北左與張甲屯絳故瀆合阻深堤高鄣
無復有水矣又逕修縣故城南屈逕其城東修音
條王莽史名之曰治修郡國志曰故屬信都清河

又東北左與黃漳枝津故瀆合又東北逕修國故
城東漢文帝封周亞夫爲侯國故世謂之北修城
也清河又東北逕邸閣城東城臨側清河晉修縣
治城內有縣長魯國孔明碑清河又東至東光縣
西南逕胡蘇亭者是世謂之羌城非也又東北右
會大河故瀆又逕東光縣故城西後漢封耿純爲
侯國初平二年黃巾三十萬人入北海公孫瓚破
之於東光界追奔是水斬首三萬流血丹水卽是
水也

水經注

卷九

三十

又東北過南皮縣西

清河又東北無棣溝出焉東逕南皮縣故城南又

東逕樂亭北地理志之

疑作

臨樂縣故城也王莽

史名樂亭晉書地道志太康地記樂陵國有新樂
縣卽此城矣又東逕新鄉城北卽地理志高樂故
城也王莽更之曰爲鄉矣無棣溝又東分爲二瀆
無棣溝又東逕於樂陵郡北又東屈而北出又東
轉逕宛鄉故城南又東南逕高城縣故城南與枝
瀆合溝上承無棣溝南逕樂陵郡西又東南逕千

童縣故城東。史記建元以來王子侯者年表曰：故重也。一作千鍾。漢武帝元朔四年封河間獻王。

舊本

作靖王

子劉陰為侯國。應劭曰：漢靈帝改曰饒安也。

滄州治枝瀆。又南東屈東北注無棣溝。無棣溝又東北逕一故城北。世謂之功城也。又東北逕鹽山。東北入海。春秋僖公齊楚之盟於郟陵也。管仲曰：昔召康公錫命先君太公履。北至於無棣。蓋四履之所也。京相璠曰：舊說無棣在遼西孤竹縣。二說參差。未知所定。然管仲以責楚無棣在此。方之為

水經注

卷九

近既世傳以久。且以聞見書之。清河又東北逕南皮縣故城西。十三州志曰：章武有北皮亭。故此曰南皮也。王莽之逆河亭。史記惠景侯者年表云：漢文帝後元年中封孝文后兄子彭祖為侯國。漢建安中魏武擒袁譚於此城也。清河又北逕皮城東。左會譚地。宋本作池別瀆謂之合。故謂之合城也。地理風俗記曰：南皮城北五十里有北皮城也。又東北逕浮陽縣西。

河東北浮水故瀆出焉。按史記趙之南界有浮水。

焉浮水在南而此有浮陽之稱者蓋浮水出入津流同逆混并清漳二瀆河之舊道浮水故迹又自斯別是縣有浮水之名也首受清河於縣界東北逕高城縣之宛鄉城北又東逕章武縣之故城漢文帝後元中封孝文后弟竇廣國爲侯國王莽更名桓章晉太始中立章武郡治此浮水故瀆又東逕篋山北魏氏土地記曰高城東北五十里有篋山長七里浮瀆又東北逕柳縣故城南漢武帝元朔四年封齊孝王子劉陽爲侯國地理風俗記曰

水經注

卷九

三十三

高城縣東北五十里有柳亭故縣也世謂之辟亭非也浮瀆又東北逕漢武帝望海臺又東注于海應劭曰浮縣浮水所出入海潮汐往來日再今溝無復有水也清河又北分爲二瀆枝分東出又謂之浮瀆清河又北逕浮陽故城西王莽之浮城也建武十五年更封騎將軍平鄉侯劉歆爲侯國浮陽郡治又東北渚淹別瀆注焉謂之合河也又東北過濊邑北

濊水出焉

又東北過鄉邑南

清河又東分爲二水枝津右出焉東逕漢武帝故臺北魏氏土地記曰章武縣東一百里有武帝臺南北有二臺相去六十里基高六十丈俗云漢武帝東巡海上所築又東注于海清河又東北逕紵姑邑南俗謂之新城非也

又東北逕窮河邑南

清河又東北逕窮河邑南俗謂之三女城非也東北至泉周縣北入潭沲水經白笥溝疑作泉周縣

水經注

卷九

三十三

東南與清河合者目下爲清河下邑也又東泉周

泉當作出焉

泉字以泉代泉字不當作泉也

又東北過漂榆邑入于海

清河又東逕漂榆邑故城南俗謂之角飛城趙記云石勒使王述煮鹽於角飛即城異名矣魏土地記曰高城縣東北一百里北盡漂榆東臨巨海民咸煮海水藉鹽爲業即此城也清河自是入于海

蕩水出河內蕩陰縣西山東

蕩水出縣西石尚山泉流逕其縣故城南縣曰水

天子或寫作夫因
誤為夫也

以取名也。晉伐成都王穎，敗帝。于是水之南，盧林四王起事，曰：「惠帝征成都王穎，戰敗，時舉輦司馬八人，輦猶在肩上，軍人競就殺舉輦者，乘輿頓地，帝傷三矢。」一作百僚奔散，唯侍中嵇紹扶帝，士將兵之。帝曰：「吾吏也，勿害之。」眾曰：「受太弟命，唯不犯陛下，一人耳。」遂斬之，血汗帝袂，將洗之。帝曰：「嵇侍中血，勿洗也。」此則嵇延祖殞命之所。

又東北至內黃縣，入于黃澤。

姜水出蕩陰西北韓大牛泉。地理志曰：縣之西山。

水經注

卷九

蕩水

三十四

姜水所出也。姜水又東，逕韓附壁北，又東流逕姜城北，故姜里也。史記音義曰：「彌里在蕩陰縣。」廣雅稱「獄犴也」。夏曰夏臺，殷曰姜里，周曰囹圄，皆圜土。昔殷紂納崇侯虎之言，囚西伯於此，散宜生南宮括見文王，乃演易用明否泰，始終之義焉。姜城北水積成淵，方一十餘步，深一丈餘，東至內黃，與防水會。水出西山馬頭澗，東逕防城北。盧諶征艱賦所為當作越防者也。其水東南流，注于姜水。又東，歷黃澤，入蕩水。地理志曰：姜水至內黃，入蕩者也。

為謂二心古通

蕩水又東與長沙溝水合其水導源里山北谷東流逕晉鄙故壘北謂之晉鄙城名之爲魏將城昔魏公子無忌矯奪晉鄙軍於是處故班叔皮遊居賦曰過蕩陰而弔晉鄙責公子之不臣者也淇水又東謂之宜師溝又東逕蕩陰縣南又東逕枉人山枉當作枉東北至內黃澤右入蕩水亦謂之黃雀澗是水秋夏則泛春冬則耗水又逕內黃城南陳留有外黃故稱內也東注白溝

洹水出上黨泫氏縣

水經注

卷九

洹水

三十五

水出洹山山在長子縣也

東過隆慮縣北

縣北有隆慮山昔帛仲理之所遊神也縣因山以取名漢高帝六年封周竈爲侯國應劭曰漢帝曰隆故改從林也縣有黃水出于神囷之山黃華谷北崖山高十七里水出木門帶帶卽山之第三級也去地七里縣水東南注壑直瀉巖下狀若雞翹故謂之雞翹洪蓋亦天台赤城流也

史遊急就章曰春草雞翹

是翁潤顏師古注云雞翹雞尾之曲垂也又漢輿

報志云鸞旌青編羽旄列繫幢旁世謂之雞翹

其水東流至谷口潛入地下東北一十里復出名柳渚渚周四五里是黃水重源再發也東流葦泉

水注之出林慮川北澤中東南流與雙泉合水出魯般門東下流入葦泉水葦泉水又東南流注黃水謂之陵陽水又東入于洹水也

又東北出山逕鄴縣南洹水出山連逕殷墟北竹書紀年曰盤庚即位自奄遷于此遂曰殷昔者項羽與章邯盟於此地矣洹水又東枝津出焉東北流逕鄴城南謂之新河

水經注

卷九

三十六

又東分爲二水北逕東明觀下昔慕容雋夢石虎齧其臂寤而惡之購求其尸而莫知之後宮嬖妾言虎葬東明觀下於是掘焉下度三泉得其棺剖棺出尸尸僵不腐雋罵之曰死胡安敢夢生天子也使御史中尉楊約數其罪而鞭之此蓋虎始葬處也又北逕建春門石梁不高大治石工密舊橋首夾建兩石柱螭短宋本作短跌勒甚佳乘輿南幸以其作制華妙致之平城東側西宋本作闕射堂淶水平潭碧林浦側可遊意矣其水際其西

死胡夢

天子死諸

國是生仙達

死姓也亦生

三歲每靈

於人固當

憐鬼責也

亦不得收入

文章

此水最作涼然其

逕魏武玄武故苑。苑舊有玄武池，以肄舟楫，有魚梁釣臺。竹木灌叢，今池林絕滅，略無遺跡矣。其水

西流，注于漳南水東北。逕女亭城北，又東北逕高

陵城南，東合坳溝，又東逕鷓鴣陂北，與台陂水合

陂東西三十里。南北注白溝河溝上，承洹水北絕

新河北，逕高陵城東，又北逕斥丘縣故城西，縣南

角有斥丘。舊本作赤丘蓋因丘以氏縣故，乾侯矣。春秋

經書昭公二十八年始之。當作公如晉次于乾侯也。漢

高帝六年封唐廣為侯國。按史記斥丘侯唐厲王莽之利丘

水經注 卷九 三十七

矣。又屈逕其北城東北，流注于白溝。洹水自鄴東

逕安陽縣故城北，徐廣晉紀曰：石遵自字城北入

斬張豹於安陽是也。魏土地記曰：鄴城南四十里

有安陽城，城北有洹水東流者也。洹水又東至長

樂縣左側，則溝出焉。洹水又東逕長樂縣故城南

按晉書地理志曰：魏郡有長樂縣也。

又東過內黃縣北，東入于白溝。

洹水逕內黃縣北，東流注于白溝。世謂之洹水也。

許慎說文呂忱字林並云：洹水出晉魯之間，昔聲

伯夢涉汜水或與其瓊瓌而食之泣而又與瓊瓌
盈其懷矣從而歌曰濟汜之水贈我以瓊瓌歸乎
歸乎瓊瓌盈吾懷乎後言之暮而卒卽是水也

八月十八日